

御批資治通鑑綱目

第五
卷六

御批資治通鑑綱目

PDG

御批資治通鑑綱目卷五十二

起甲辰唐僖宗中和四年六月盡丙辰唐昭宗乾寧三年凡十二年有奇。

六月東川將吏斬楊師立以降詔以高仁厚為節度使。

高仁厚圍梓州久不下乃為書射城中遺其將士曰仁厚不忍城中玉石俱焚為諸君緩師十日使諸君自成其功如其不然四面俱進克之必矣諸君圖之數日鄭君雄大呼於眾曰天子所誅者元惡耳他人無預也眾大譟突入府師立自殺君雄挈其首出降詔以仁厚為東川節度使**實實**梓州注見漢獻帝建安十八年梓潼東川節度注同上文玉石俱焚書后征篇玉石俱焚注言火炎崑崙不辨玉石之美惡而焚之

尚讓敗黃巢于瑕丘賊黨斬巢以降

尚讓追黃巢至瑕丘敗之巢眾殆盡巢甥林言斬巢兄弟妻子首將詰時溥沙陀軍奪之并斬言以獻

實

瑕丘縣名注見宋明帝泰始二年沙陀軍注見睿宗太極元年

天平節度使朱瑄擊秦宗權敗之

秦宗權縱兵四出。侵噬鄰道。天平節度使朱瑄有衆三萬。從父弟瑱。勇冠軍中。朱全忠爲宗權所攻。勢甚窘。求救於瑄。瑄遣瑱將兵救之。敗宗權於合鄉。**質實**。天平節度。注見漢獻帝興平元年東平合鄉城名。統志云。在徐州城西北一百八十里沛縣古互鄉地。互鄉。蓋孔子難與言者。

秋。七月。時溥獻黃巢首。

時溥遣使獻黃巢首。并其姬妾。上御樓受之。宣問姬妾。汝曹皆勲貴子女。何爲從賊。其居首者對曰。狂賊凶逆。國家以百萬之衆。失守宗祧。播遷巴蜀。今陛下乃以不能拒賊責一女子。置公卿將帥於何地乎。上皆戮之。

集覽

時溥。姓名。感化軍節度使也。是時在徐州。**質實**。巴蜀。注見楚義帝元年。注見漢光武建武

二十七年。

李克用表乞討朱全忠。詔諭解之。

李克用還晉陽。大治甲兵。奉表自陳爲朱全忠所圖。將佐三百餘人。并解印。皆沒不返。乞遣使按問。發兵討之。朝廷方務姑息。得表大恐。但優詔和解之。克用前後八表。稱全忠陰狡禍賊。異日必爲國患。惟乞下詔削其官

爵臣自帥本道兵討之。上累遣楊復恭等諭旨。稱吾深知卿冤。方事之殷。姑存大體。克用終鬱鬱不平。時藩鎮相攻者。朝廷不復爲之辯曲直。由是互相吞噬。惟力是視。皆無所稟受矣。范氏曰。天子所以制御天下者。實善罰惡。辨是非枉直。使人各當其所。物各安其分。而不相陵暴也。克用有復唐室之大功。而全忠輒欲殺之。克用不敢專兵復讐。而赴訴於朝廷。是諸侯猶有尊王室之心也。爲天子者。詰其孰是孰非。使征伐號令。出於天子。則詠一鎮而天下莫敢不從矣。僖宗則不然。知其直者而不恤。置其不直者而不問。不惟全忠無所忌憚。而克用心亦不服。欲兩存之。乃兩失之。自是以後。藩鎮擅相攻伐。不復稟命。以天子不足訴也。書曰。有罪無罪。予曷敢有越厥志。刑罰者所以爲天罰。集覽。予曷敢有越厥也。王者之於天下。懲勸可不明哉。志。書泰誓篇文。蔡氏傳曰。夫有罪之當討。無罪之當赦。實實。注見周威烈王二十三年。

書法

討者何。罪全忠也。克用親救全忠。而全忠襲之。曲在彼矣。克用不敢專兵相攻。上表請討。不可。

謂不知有天子者。書曰表乞。予之也。而朝廷兩無子奪。詔諭解之。是何以爲天下君哉。書詔。所以病僖宗。

也。自是州鎮觀望。擯兵相攻。無復稟命宜矣。

發明

前書全忠襲克用。則其曲固有在矣。至是又書克用乞討全忠。言討則罪在全忠。言乞則見克

用不敢專兵之意。唐朝至是。蓋亦分別曲直。使之各得其所可也。兩置不問。果何為者。故綱目但書詔諭解之。以見當時臧否不分之失爾。自是而後。諸鎮交攻。無所稟受。唐室亦未如之何也已。是果誰之咎哉。

八月。以李克脩為昭義節度使。

李克用請以其弟克脩鎮潞。從之。由是昭義分為二。

質實

潞州名。注見周報王五。十三年上黨昭義節度。

注同上文。

進李克用爵為隴西郡王。

質實

隴西郡。注見秦王政三年。

○以王徽知

京兆尹事。

上以長安宮室焚毀。故久留蜀未歸。以徽為京兆尹。招撫流散。繕治宮室。

質實

王徽。京兆人。長安縣名。注見漢惠帝五年。蜀郡名。注見晉武帝泰始八年。益州。

書法

書京兆多矣。未有書知京兆尹事者。此其書何。徽宰相也。唐世書以爲京兆尹七。詳德宗貞元

十九年。書知京兆尹事一而已。

冬十一月。鹿晏弘據許州。詔以爲忠武節度使。

晏弘之去河中。王建韓建張造晉暉李師泰各帥其衆與之俱。晏弘猜忍。衆心不附。田令孜密遣人誘之。二建與張造帥衆數千奔行在。令孜養以爲假子。拜諸衛將軍。使各將其衆。號隨駕五都。又遣諸將討晏弘。晏弘棄興元。陷襄州。轉掠襄鄧。還據許州。自爲留後。朝廷不能討。因以爲節度使。

質實

河中府名。注見周赧

王十二年蒲坂。王建許州人。行在。注見漢武帝天漢二年。興元府名。注見周赧王四年漢中。襄鄧二州名。襄注見漢獻帝建安十二年襄陽。鄧。注見周赧王十四年穰。許州。注見漢後主建興十年許昌。

田令孜殺內常侍曹知慤。

初宦者曹知慤有膽畧。黃巢陷長安。知慤集壯士據嵯峨山。數遣人變服。夜入長安攻賊營。賊驚疑不自安。朝廷聞而嘉之。就除內常侍。田令孜惡之。矯詔使邠寧節度使王行瑜襲殺之。令孜由是益驕橫。禁制天子不得

有所主斷。上時語左右而流涕。

質實

嵯峨山。一統志云。在西安府涇陽縣北五十里。一名嵯巖。又名慈峨。

山巔雲起輒雨。人以爲候。鄆寧節度。注見肅宗上元元年。

發明

盜賊縱橫。不能撲滅。藩鎮跋扈。不能制御。既失其所以爲君矣。然尚有可諉者。至於官人擅權。

專殺不顧。雖近在左右。亦莫誰何。則是被袞冕。位黼展。特一木偶人耳。直書于冊。可愧甚矣。齋咨涕洟。果

何益哉。

十二月。以陳巖爲福建觀察使。

初黃巢轉掠福建。建州人陳巖聚衆數千保鄉里。號九龍軍。觀察使鄭鑑表以自代。巖爲治有威惠。閩人安之。

質實

福建觀察使。注見德宗貞元七年。建州。注見晉武帝泰始五年。建安。閩州名。注見漢武帝建元三年。

掠。方酌反。劫取財物也。

盜殺中書令王鐸。

鐸厚於奉養。徙義昌節度使。過魏州。侍妾成列。服御鮮華。魏博節度使樂彥禎之子從訓。圍而殺之。掠其侍妾。

彥禎以遇盜問朝廷不能詰胡氏曰鐸在相位不明是非用盧攜而沮鄭畋信裴渥而庇宋威一年之間使賊大熾及為都統又不能式遏黃巢中興生劉漢宏一寇然則謀議乖刺施置乖方政之所殺多矣晚而陷禍豈特驕奢汰侈之罪哉 **質實** 王鐸太原人播之追義昌節度注見晉穆帝永和六年滄州魏州注見漢成帝

緩和二年魏郡魏博節度注同上文

書法

殺王鐸者樂從訓也曷為書盜罪鐸也從訓非盜而鐸之後麗有以誨盜矣罪之則何以具官
若曰身為首相天子蒙塵而侈於自奉致寇取禍有愧於高位甚矣綱目書盜殺十一許州威烈王二十四年費禕書大將軍鐸書
中書令皆明不在人也

發明

樂彥禎為節將其子何為以盜書之已實殺人而託言以盜是亦盜賊而已王鐸書爵豈予之乎鐸身為相臣慢藏誨盜故反書其官以見其有愧是職且以重樂彥禎之罪也然則武元衡何以亦書盜殺曰元衡以身殉國固非王鐸以身殉貨之比故元衡之書官所以美其能盡忠之義而王鐸之書官所以刺其節度使之職也

以馮行襲為均州刺史。

賊帥孫喜聚眾數千人攻均州。刺史呂曄不知所為。都將馮行襲伏兵江南。自乘小舟迎喜。謂曰。州人得良牧。無不歸心。然公從卒太多。州人懼其剽掠。尚以為疑。不若置軍江北。獨與腹心輕騎俱進。行襲請為前道。告諭州人。無不服者矣。喜從之。既度江。伏兵發。行襲手擊喜。斬之。詔以行襲為刺史。**質實**。均州。注見武元年。武當。馮行襲。均州人。

光啓元年春正月。詔招撫秦宗權。

黃巢雖平。宗權復熾。寇掠焚剪。其殘暴又甚於巢。軍行未始轉糧。軍載鹽屍以從。北至衛滑。西及關輔。東盡青齊。南出江淮。極目千里。無復煙火。上將還長安。畏宗權為患。詔招撫之。**集覽**。關輔。關中有

輔質實

衛滑二州名。衛。注見秦王政六年。朝歌。滑。注見隋恭帝皇泰二年。青齊二州名。青。注見漢桓帝

永康元年。齊。注見漢景帝三年。濟南。

車駕發成都**質實**

成都府名。注見晉武帝泰始八年。益州。

○淮南叛將張瓌

據荆南郭禹據歸州

雷滿屢攻掠荆南淮南將張瓌韓師德叛高駢據復岳
二州荆南節度使陳儒請瓌攝行軍司馬使將兵擊雷
滿瓌還兵逐儒而代之瓌性貪暴則南舊將夷滅殆盡
惡牙將郭禹慄慄欲殺之禹亡去襲歸州據之禹成內
也因殺人亡〔集覽〕禹成內也郭禹
命更其姓名〔集覽〕本姓成名內〔質實〕荆南軍名注見
三年南郡〔淮南〕郡名注見漢武帝元朔五年復岳二州
名復〔注見〕晉孝武太元六年竟陵岳〔注見〕宋文帝元嘉
三年巴陵〔歸州〕注見
漢和帝永元十二年

王緒陷汀漳二州

秦宗權貢租賦於光州刺史王緒不能給宗權怒發兵
擊之緒懼悉舉光壽二州兵五千人渡江轉掠江洪虔
州是月陷汀漳〔質實〕光壽二州名光注見晉武帝泰始
然皆不能守也〔質實〕五年弋陽壽注見秦王政六年壽

春江洪虔三州名江注見晉明帝泰寧二年壽陽洪注
見漢武帝元鼎五年豫章虔注見梁簡文帝大寶元年

南康汀漳二州名按一統志汀本周之七閩地秦屬閩
中郡漢屬閩越國後為治縣地屬會稽郡東漢屬會稽

南部都尉。三國吳屬建安郡。晉於此置新羅縣。屬晉安郡。宋齊梁陳隋皆省。唐開元末始開福撫二州山洞。置汀州。因長汀溪為名。天寶初改臨汀郡。乾元初復為汀州。初治新羅。大曆中徙治白石。皆長汀縣地。五代時初屬閩王氏。後屬南唐。宋隸福建路。元改為汀州路。本朝初改為汀州府。隸福建道。漳。注見憲宗元和五年。

三月車駕至京師

京師荆棘滿城。狐兔縱橫。上凄然不樂。時朝廷號令所及。惟河西山南劍南嶺南數十州而已。質實京師

注見周顯王二十五年。縱橫。注見周安王十五年。河西郡名。注見漢安帝元初元年。山南。道名。注見漢獻帝建安十二年。襄陽。劍南。道名。注見晉武帝泰始八年。益州。嶺南。道名。注見秦始皇三十三年南海。

秦宗權僭號。詔以時溥為行營都統討之。○夏四月。田令

孜自兼兩池權鹽使

初田令孜在蜀募新軍五十萬。每都千人。又南牙北司官共萬餘員。而土供不至。賞賚不時。士卒有怨言。令孜患之。先是安邑解縣兩池皆隸鹽鐵中和以來河中節度使王重榮專之。歲獻二千車以供國用。令孜奏復

舊制自兼兩池使收其利以贍軍重榮論訴不已而令
孜養子匡祐使河中驕傲重榮數責之匡祐脫歸勸令
孜圖重榮乃徙重榮為泰寧節度使以王處存代之仍
詔李克用以河東兵援處存赴鎮重榮自以有復京城
功為令孜所擠不宥之兗州累表數令孜十罪令孜結
邠寧節度使朱玫鳳翔節度使李昌符以抗之昌符昌
言之弟也

集覽

孜莫

質實

南牙北司

注見文宗開成元年安

弟也

解縣

注見周赧王二十一年兩池注見梁武帝天監五

年

鹽池

河中節度注見周赧王十二年蒲阪王重榮太

原人

泰寧節度

注見漢獻帝興平二年兗州王處存京

兆萬年人

兗州

注見漢獻帝興平二年鳳翔節度注見

周顯王

八年岐

書法

志禍始也自是河中旅拒天子再辱則令孜之罪也書曰自兼深罪之

發明

權鹽果欲追復則播告之脩出於天子必待藩方服從然後取之則無患矣今令孜怙權奪而

有之遂召旅拒之爭故特書自兼以著其專輒無君之罪且以見貽禍播遷之由也

李可舉王鎔寇易定王處存擊破之

考異

擊當作討

盧龍節度使李可舉。成德節度使王鐸。惡李克用之彊。而義武節度使王處存。與克用親善。又河北唯義武尚

屬朝廷。可舉等慮其害已。約共滅而分之。可舉遣其將李全忠攻易州。鐸亦遣將攻無極。盧龍裨將劉仁恭穴

地入城。時易州李克用自將救無極。大敗成德兵。質實拔新城。處存夜遣兵蒙羊皮襲盧龍軍。復取易州。

〔易定〕。州名。易。注見周世宗顯德六年。定。注見周威烈王二十三年。中山。〔盧龍節度〕。注見漢武帝元朔二年。肥

如。〔成德節度〕。注見漢光武建武九年。常山。義武節度。注見周威烈王二十三年。中山。一統志云。無極。漢之縣名。

屬中山國。晉省。後魏復置。尋省。北齊又置。屬恒山郡。隋屬定州。唐屬廉州。宋。金。元。俱屬中山府。本朝改屬真

定府。〔新城〕。本漢新昌侯國地。屬涿郡。東漢於郡北置北新城。唐太和中以故督亢地置新城縣。屬涿州。五代。遼

金。因之。元陞為新泰州。後復置新城縣。至元初屬雄州。本朝改屬保定府。

〔書法〕。方鎮相攻耳。書寇何。內易定也。於是易定猶稟

寇。是後州鎮往往無上自恣。其加之兵者。雖秦宗權不書寇而書攻矣。

六月。盧龍將李全忠殺李可舉而代之。

全忠既喪師。恐獲罪。還襲陶州。**質實**。幽州。注見高祖武德四年。

書法

李可舉何節度使也。易為不書節度使。削之也。可舉嘗書寇矣。故削之。將校殺帥。有書詔以為節度使者矣。有書自為留後者矣。然必邀其大將表請節鉞也。未有直書代之者。直書代之。不用制命也。於是綱紀掃地。入子擁虛位而已矣。後書朱謹代齊克讓義同。

秦宗權遣將孫儒陷東都

留守李罕之與儒相拒數月。兵少食盡。棄城西保。滙池。儒據東都。月餘。焚掠而去。城中寂無雞犬。

質實

滙池。縣名。注見漢光武建武九年。東都。注見秦莊襄王元年三川。

秋七月。殺右補闕常濬。

濬。上疏曰。陛下姑息藩鎮太甚。是非功過。駢首并足。致天下紛紛若此。猶木之寤。宜稍振典刑。以威四方。田令孜曰。此疏傳於藩鎮。豈不致其猜忿。貶濬萬州司戶。尋賜死。范氏曰。殺諫臣者。其國必亡。故侯昌業。孟昭圖。常濬。皆以諫死。而唐亡之兆決矣。何必天變。彗孛之為妖乎。夫忠臣欲救社稷之危。人君不惟棄其言。而又戮其

身不祥莫大焉。此其國所以為墟也。

質實

萬州。注見代宗大曆十二年南浦。慧字。注見懿宗咸通五年。

書法

僖宗於是三殺諫臣矣。有不亡國者哉。

發明

當是之時。唐已亡矣。而未滅也。又殺諫臣以趣之。綱目一書再書。固非特為唐設。亦所以垂後

鑒耳。

八月以趙犇為蔡州節度使。

秦宗權攻鄰道二十餘州陷之。唯陳距蔡百餘里。兵力甚弱。刺史趙犇日與宗權戰。宗權不能屈。詔以犇為蔡州節度使。犇德朱全忠之援。凡所調發。無不立至。

質實

陳州名。注見周赧王三十七年。蔡州名。注見漢

光武建武十九年。汝南趙犇。青州人。

王緒前鋒將擒緒。奉王潮為將軍。

王緒至漳州。以道險糧少。令軍中無得以老弱自隨。犯者斬。唯王潮兄弟扶其母以從。緒責之曰。軍皆有法。未有無法之軍。汝違吾令而不誅。是無令也。潮等曰。人皆有母。未有無母之人。將軍柰何使人棄其母乎。緒怒。命

斬其母。潮等曰：潮等事母如事將軍，既殺其母，安用其子？請先母死。將士皆為之請，乃捨之。有望氣者謂緒曰：軍中有王者氣，於是緒見將卒有勇畧及氣質魁岸者，皆殺之。眾皆自危，行至南安。潮說其前鋒將伏壯士篁竹中擒緒，反縛以徇，遂奉潮為將軍，引兵將還光州。約其屬所過秋毫無犯，行及沙縣，泉州人張延魯等以刺史廖彥若貪暴，帥耆老奉牛酒請潮為州將。潮乃引兵圍泉州。

集覽

魁岸，注見中宗。嗣聖十六年。

質

實

王潮，光州固始人。南安縣名。注見中宗。嗣聖七年，沙

為沙縣。尋廢。唐初復置，屬建州。後省入建安。永徽中復置，後屬汀州。南唐屬劍州。宋元仍舊。本朝改屬延平府。泉州禹貢揚州之域，周職方為七閩地。秦屬閩中郡。

漢初屬閩越國。武帝時以其地屬會稽郡。三國吳屬建安郡。晉屬晉安郡。梁置南安郡。治晉安縣。隋廢郡，以其地屬閩州。唐初以南安縣置豐州。貞觀初州廢。聖曆初

置武榮州。治晉江縣。景雲初改置泉州。天寶初改清源郡。乾元初復為泉州。五代時南唐置清源軍節度。宋改

平海軍。元為泉州路。本朝初改為泉州府。隸福建道。

初改為泉州府。隸福建道。

冬十月。田令孜遣朱玫、李昌符攻河中。李克用救之。

十二月進逼京城上奔鳳翔

考異

上當作帝

考證

上當作帝

十月王重榮求救於李克用。克用方怨朝廷不罪朱全忠。選兵市馬。聚結諸胡。議攻汴州。報曰。待吾先滅全忠。還掃鼠輩。如秋葉耳。重榮曰。待公自關東還。吾爲虜矣。不若先除君側之惡。退擒全忠易矣。時朱玫。李昌符。亦陰附於全忠。克用乃上言。攻昌符與全忠相表裏。欲共滅臣。臣不得不自救。已集蕃漢兵十五萬。決以來年濟河。北討二鎮。不近京城。保無驚擾。還滅全忠。以雪讐恥。上遣使者諭釋。冠蓋相望。朱玫欲朝廷討克用。數遣人潛入京城。燒積聚。殺近侍。聲云。克用所爲。於是京師震恐。令致遣攻昌符。將本軍及神策等軍合三萬人。屯沙苑。以討王重榮。重榮發兵拒之。告急於克用。克用引兵赴之。十二月。與重榮俱壁沙苑。表請誅令孜。及攻昌符。詔和解之。克用不聽。十二月。合戰。攻昌符大敗。克用進逼京城。令孜奉天子幸鳳翔。長安宮室復爲亂兵焚掠。無子。質實。汴州。注見周顯王二十九年。大梁。除君側之遺矣。惡。注見漢桓帝延熹八年。沙苑。地名。一統志云。在西安府朝邑縣南七十里。唐置監。養隴右諸牧牛羊。以供祭祀燕會及尚食所用。今有故城在焉。子遺。注見齊主昭業。隆昌元年。